



Adresa: **Ul. Hamdije Čemerlića 39 a**
71000 Sarajevo
<http://www.voda.ba>

tel. +387 33 726-444; 726-400
fax. +387 33 726-423
e – mail: info@voda.ba

Broj: UP-I-25-3-40-091-3/22
Datum: 17.03.2022. godine

«Agencija za vodno područje rijeke Save» Sarajevo rješavajući po zahtjevu pravnog lica «G-Petrol» d.o.o. Sarajevo, za donošenje rješenja o vodnoj dozvoli za ispuštanje tehnoloških otpadnih voda i oborinskih onečišćenih voda sa lokacije benzinske stanice sa pratećim sadržajima „G-Petrol” – Poslovna jedinica «Sarajevo 5», izgrađene u ulici Kurta Schorka 3a, općina Novi Grad, Sarajevo, na osnovu člana 109. stav (1) tačka 2. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98 i 49/99), donosi

RJEŠENJE **o vodnoj dozvoli**

1. Pravnom licu «G-Petrol» d.o.o. Sarajevo daje se vodna dozvola za ispuštanje tehnoloških otpadnih voda i oborinskih onečišćenih voda sa lokacije benzinske stanice sa automatskom autopraonicom i pratećim sadržajima „G-Petrol” – Poslovna jedinica «Sarajevo 5», izgrađene na zemljištu označenom kao k.č. br. 3867/9 K.O. Novo Sarajevo IV (po novom premjeru), što odgovara k.č. broj 2100/7A K.O. Donji Butmir (stari premjer), u ulici Kurta Schorka 3a, općina Novi Grad Sarajevo.
2. Ova vodna dozvola ne oslobađa podnosioca zahtjeva obaveze pribavljanja saglasnosti i dozvola od strane drugih nadležnih organa, a sve u skladu sa važećim zakonskim propisima, uredbama i dr.
3. Vodna dozvola se daje na osnovu činjeničnog stanja utvrđenog pregledom dostavljene projektne i druge dokumentacije, izvršenog uviđaja na objektu i pod slijedećim uslovima:
 - 3.1. Da se upotreba i korištenje predmetnog objekta vrši u skladu sa urađenom investiciono tehničkom dokumentacijom, koja je služila kao podloga za davanje ove vodne dozvole.
 - 3.2. Da se skladištenje nafte i naftnih derivata vrši u dvoplašnim čeličnim podzemnim rezervoarima ukupne zapremine $V=200 \text{ m}^3$.
 - 3.3. Skladištenje i pretakanje nafte i naftnih derivata kao i ispitivanje ispravnosti i propusnosti rezervoara za skladištenje goriva vršiti u skladu sa Zakonom o naftnim derivatima u Federaciji Bosne i Hercegovine (Službene novine Federacije BiH br. 52/14) i propisima iz ove oblasti, a na način da se spriječe dospijevanje nafte i naftnih derivata u podzemne i površinske vode.
 - 3.4. Da se tehnološke otpadne vode iz autopraonice prikupljaju putem slivne rešetke u taložnik i odvođe do trokomornog betonskog separatora ulja i naftnih derivata, a zatim sa oborinskim onečišćenim vodama sa platoa oko istakališta, saobraćajnih i manipulativnih površina prikupljenim sistemom slivnih rešetki i kanalizacione mreže odvođe do trokomornog betonskog separatora ulja i naftnih derivata, te prečišćene odvođe do priključka izvedenog na kolektor oborinske kanalizacije.
 - 3.5. Da se poduzmu sve potrebne mjere kojima bi se obezbijedilo da prečišćene otpadne vode, prije ispuštanja u recipijent, zadovolje granične vrijednosti emisije definisane članom 14. Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20 i 96/20).
 - 3.6. Korisnik objekta je dužan, putem laboratorije ovlaštene od strane Federalnog ministarstva poljoprivrede, vodoprivrede i šumarstva po osnovu člana 64. stav (3)

Zakona o vodama i Pravilnika o uslovima koje moraju ispunjavati ovlaštene laboratorije i sadržini i načinu izdavanja ovlaštenja («Službene novine Federacije BiH», broj 14/10, 14/3, 26/14, 15/17, 23/17 i 41/20), vršiti redovna ispitivanja kvaliteta otpadnih voda, uzimanjem uzorka efluenta iz kontrolnog okna, u skladu sa Uredbom o uslovima ispuštanja otpadnih voda u okoliš i sisteme javne kanalizacije.

- 3.7. Da je korisnik poslovnog objekta u obavezi da izgrađene objekte, a čija svrha je odvođenje i prečišćavanje onečišćenih voda, redovno održava i koristi na način koji će obezbijediti njihovu potpunu ispravnost i funkcionalnost, kako bi se zadovoljio propisani kvalitet efluenta.
- 3.8. Da prikupljanje, odvoz i konačno zbrinjavanje opasnog otpada sa lokacije predmetne benzinske pumpe sa pratećim sadržajima može vršiti isključivo firma ovlaštena za tu vrstu djelatnosti, prema sklopljenom ugovoru.
- 3.9. Da se osiguraju priručna sredstva za brzu intervenciju u slučaju nekontrolisanog istjecanja nafte i naftnih derivata, kako bi se spriječilo moguće onečišćenje voda i tla (materijal za upijanje: piljevina, prikladni adsorbensi, odgovarajuće posude, uređaji za pretakanje i sl.).
- 3.10. Sadržaj (mulj) iz uređaja za prečišćavanje otpadnih voda i opasni otpad ne smije se odlagati na česticu «vodno dobro», odnosno u vodotoke i na njegove obale.
4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama („Službene novine Federacije BiH”, broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH”, broj 92/07, 46/09, 79/11, 88/12 i 03/16), Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
5. U periodu važenja ove vodne dozvole, pravno lice, odnosno korisnik objekta «G-Petrol» – P.J. Sarajevo 5, je dužan provoditi sve mjere i aktivnosti propisane istom.
6. Ukoliko radom predmetnog objekta dođe do promjene režima površinskih ili podzemnih voda, a te promjene prouzrokuju štete ma kakvog karaktera, korisnik vodne dozvole je obavezan uzroke štete otkloniti, a nastalu štetu nadoknaditi.
7. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na objektima predmetne benzinske pumpe sa pratećim sadržajima obuhvaćenim ovom vodnom dozvolom, korisnik zaštitnih vodnih objekata nije odgovoran za nastale štete.
8. Prava stečena po ovoj vodnoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
9. Ova vodna dozvola, shodno članu 117. stav (1) Zakona o vodama se daje sa rokom važenja od 5 (pet) godina, od dana pravosnažnosti ovog rješenja.
10. Prije isteka važnosti ove vodne dozvole, Investitor, odnosno korisnik objekta je dužan da podnese zahtjev za izdavanje nove vodne dozvole.

Obrazloženje

«G-Petrol» d.o.o. Sarajevo se pismenim zahtjevom obratio ovoj Agenciji za donošenje rješenja o vodnoj dozvoli za ispuštanje tehnoloških otpadnih voda i oborinskih onečišćenih voda sa lokacije benzinske stanice sa pratećim sadržajima – Poslovna jedinica «Sarajevo 5», izgrađene na zemljištu označenom sa k.č. br. 3867/9 K.O. Novo Sarajevo IV (po novom premjeru), što odgovara k.č. broj 2100/7A K.O. Donji Butmir (stari premjer), u ulici Kurta Schorka 3a.

U provedenom postupku dostavljena je i pregledana slijedeća dokumentacija:

- Ovjerena kopija rješenja o izmjenama podataka, broj: 065-0-Reg-21-005008 od 19.01.2022. godine izdatog od općinskog suda u Sarajevu;
- Ovjerena kopija Uvjerenja o registraciji poreznog obveznika „G-Petrol“ d.o.o. Sarajevo izdatoj od Porezne uprave Federacije BiH- -Kantonalni porezni ured Sarajevo, od 08.02.2022.godine;
- Ovjerena kopija Uvjerenja o registraciji poreznog obveznika „G-Petrol“ d.o.o. Sarajevo Poslovna jedinica Sarajevo 5 izdatoj od Porezne uprave Federacije BiH - Kantonalni porezni ured Sarajevo, od 15.05.2013.godine;
- Punomoć data Ljiljani Čuljak od strane „G-Petrol“ d.o.o. Sarajevo da preda zahtjev za produženje vodne dozvole AVP Sava;
- Kopija Rješenja urbanističke saglasnosti za izgradnju benzinske pumpe sa pratećim sadržajima izdate od strane Općinske službe za urbanizam i stambene poslove, Općina Novi Grad, Kanton Sarajevo, broj: 06-23-7712/07 MP dana 3.12.2007. godine;
- Kopija rješenja o odobrenju za izgradnju broj: 03-23-1788/08 MP od 26.06.2008.god. izdatog od strane Općinske službe za urbanizam i stambene poslove, Općina Novi Grad, Kanton Sarajevo;
- Kopija Rješenja o okolinskoj dozvoli, broj: 05-23-17051/17 DŽD od 20.11.2018. godine izdata od strane Ministarstva prostornog uređenja, građenja i zaštite okoliša Kantona Sarajevo;
- Kopija rješenja o vodnoj dozvoli, broj: UP-I/25-3-40-075-3/17 od 17.03.2017. god. izdata od strane Agencije za vodno područje rijeke Save, Sarajevo;
- Opći akt o održavanju, korištenju i osmatranju vodnog objekta i postupanja u slučaju kvara;
- Kopija Ugovora o pružanju usluga redovnog prikupljanja, odvoza i odlaganja kućnog otpada sklopljenog sa KJKP „Rad“ d.o.o. Sarajevo;
- Kopija ugovora sklopljenog sa „DELTA PETROL“ d.o.o. Kakanj za usluge čišćenja separatora i septičkih jama na benzinskim stanicama „G-Petrol“;
- Godišnji izvještaj o monitoringu kvaliteta i kvantiteta otpadnih voda iz svih objekata u vlasništvu „G-Petrol“ d.o.o. Sarajevo, urađen od strane „Inspekt – RGH“ d.o.o. Sarajevo, januar 2022. godine;
- Izvedbeni projekat hidroinstalacija benzinske pumpe «Sarajevo 5» urađen od strane «ARCHING» d.o.o. Bihac, decembar 2007. godine (na uvid)
- Dokaz o uplaćenju upravnoj pristojbi.

Nakon pregleda dostavljene dokumentacije, u skladu sa odredbama člana 12. stav (5) i (6) Pravilnika o sadržaju, obliku, uvjetima, načinu izdavanja i čuvanja vodnih akata («Službene novine Federacije BiH», br. 31/15, 55/19, 41/20) izvršen je obilazak predmetne lokacije i tom prilikom je sačinjen zapisnik o uviđaju broj: UP-1/21-3-40-091-2/22 dana 15.03.2022. godine.

Na osnovu dostavljene dokumentacije i izvršenog uviđaja na licu mjesta utvrđeno je slijedeće:

Objekat benzinske pumpe sa pratećim sadržajima je smješten na lokalitetu naselja Bačići u ulici Kurta Schorka 3a, općina Novi Grad, Sarajevo. Osnovna djelatnost na benzinskoj stanici je trgovina na malo motornim gorivima i mazivima, a dopunska djelatnost je prodaja autokozmetike, različitih prehrambenih proizvoda, kao i usluge samouslužne autopraonice. Otpadne vode iz autopraonice se putem linijskog kanala sa rešetkom prikupljaju i vode do betonskog trokomornog separatora, a zatim zajedno sa oborinskim onečišćenim vodama sa manipulativnih, saobraćajnih i parking površina koje se prikupljaju sistemom slivnika, linijskih kanala sa rešetkom i kanalizacionih cijevi odvođe do betonskog trokomornog separatora. Nakon

tretmana u separatoru, prečišćene vode se priključuju na javni kanalizacioni sistem, kojim upravlja KJKP „Vodovod i kanalizacija“ d.o.o. Sarajevo. Korisnik predmetne benzinske stanice ne posjeduje saglasnost za priključak na javni kanalizacioni kolektor oborinske kanalizacije.

Skladištenje nafte i naftnih derivata se vrši u podzemnim čeličnim dvoplašnim rezervoarima ukupnog kapaciteta 200 m³.

Za predmetni objekat je pribavljena i okolinska dozvola od strane Ministarstva prostornog uređenja i zaštite okoliša Kantona Sarajevo.

Na osnovu dostavljene dokumentacije i uviđaja izvršenog na predmetnoj lokaciji, a u svrhu smanjenja negativnih uticaja predmetnog objekta na stanje voda i vodni režim, podnosiocu zahtjeva su ovom vodnom dozvolom, u tački 3. dispozitiva rješenja, propisani uslovi u skladu sa odredbama članova 53. i 116. Zakona o vodama, člana 12. Pravilnika o sadržaju, obliku, uvjetima načinu izdavanja i čuvanja vodnih akata i odredbama člana 3. tačka s) tačka cc) i člana 13. i 14. Uredbe o uslovima ispuštanja otpadnih voda u okoliš i sisteme javne kanalizacije.

Tačka 4. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada („Službene novine Federacije BiH“, broj 92/07, 46/09, 79/11 i 88/12) i Odlukom o visini posebnih vodnih naknada („Službene novine Federacije BiH“, broj 46/07).

Na osnovu provedenog postupka konstatuje se da je podnosilac zahtjeva ispunio minimum uslova za izdavanje Rješenja o vodnoj dozvoli za ispuštanje oborinskih onečišćenih voda u prirodni recipijent, te je riješeno kao u dispozitivu ovog Rješenja.

Podnosilac zahtjeva je uplatio upravnu pristojbu u iznosu od 70 KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi (»Službene novine Federacije BiH«, broj 06/98, 8/00, 45/10 i 43/13).


Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Voditelj postupka: Aida Bezdrob, dipl.ing.građ.

**Po ovlaštenju
Rukovodilac sektora za
izdavanje vodnih akata**


Haris Ališehović, dipl.inž.građ.

Dostaviti:

- «G-Petrol» d.o.o. Sarajevo, Kurta Schorka 3a, 71 000 Sarajevo
- AVP Sava, ISV-vodna knjiga
- Org.jed. 50
- Org.jed. 40-arhiva
- Oglasna ploča AVP Sava